

亥21

9-443.

醫學摘粹

謝啓華拜題

雜證要法



虛證類

虛勞

虛勞之證精神氣血俱被損傷是也蓋腎藏精心藏神
肺藏氣肝藏血腎受傷而精病精病則遺泄而不秘心
受傷而神病神病則驚怯而不安肺受傷而氣病氣病
則痞塞而不宣肝受傷而血病血病則凝瘀而不流然
四維之病總由中氣虛敗有以致之也會仲景建中之
義則治勞證得其要領矣如虛勞裏急悸衄腹中痛夢
失精四肢痠疼手足煩熱咽乾口燥以小建中湯主之

如虛勞裏急諸不足以黃耆建中湯主之如失精家少
腹弦急陰頭寒目眩髮落脈極虛芤遲爲清穀亡血失
精脈得諸芤動微緊男子失精女子夢交以桂枝龍骨
牡蠣湯主之如虛勞腰痛少腹拘急小便不利者以八
味腎氣丸主之此統治之法也如精遺神驚氣鬱血脫
及欬嗽不寐等證再於各專門求方治之

小建中湯

方見欬嗽

黃耆建中湯

卽小建中湯加黃耆如氣短胸滿者加生薑腹滿者

去棗加茯苓如療脾虛損不足宜補氣者加半夏

桂枝龍骨牡蠣湯

桂枝三錢

酒芍三錢

生薑三錢

甘草

炙二錢

大棗四枚

龍骨三錢

牡蠣三錢

水煎服 如下部寒甚乾薑附子皆可加

八味丸

方見瘡疾

精遺

精藏於腎而交於心則精溫而不走若精不交神乃病

遺泄其原由於肝脾之不升乙木升而化火已土升而

生木木火生長陽氣發達陰精和煦故不陷流一自脾
濕不升木失生長之性是以下鬱而爲疏泄法宜煖水
培土清風木而去其鬱則精自不泄矣以玉池湯主之
玉池湯

甘草 二錢

茯苓 三錢

桂枝 三錢

芍藥 三錢

龍骨 二錢

牡蠣 三錢

附子 三錢

砂仁

一錢炒
研去皮

煎大半杯溫服 如濕旺木鬱而生下熱倍茯苓白
芍加澤瀉丹皮不可謬用清涼滋潤敗其脾腎之陽

神驚



神藏於心而交於腎則神清而不搖若神不交精乃生
驚悸其原由於膽胃之不降甲木降而固水戊土降而
收金金水秘藏陰氣收斂陽神靜謐故不搖蕩一自胃
濕不降火失封蟄之性是以上炎而生煩擾法宜降土
清木斂相火而固其根則神自不搖矣以金鼎湯主之
金鼎湯

甘草 二錢

茯苓 三錢

半夏 三錢

桂枝 三錢

芍藥 三錢

龍骨 二錢

牡蠣 三錢

煎大半杯溫服 如上熱者倍芍藥以清膽火下寒

加附子以溫腎水若病重年深奔弛凝結少腹氣塊
堅鞭澌寒此陰邪已盛緩用附子當燥土去濕調其
脾胃後以溫燥之藥熬膏貼之詳載黃氏奔弛證中

氣證

氣有肝肺之分肝氣宜升肺氣宜降肝氣不升則滯結
於臍腹肺氣不降則痞塞於心胸則氣病矣然肝不自
升必賴脾以升之肺不自降必賴胃以降之如中土濕
盛脾不升則肝陷氣積於臍腹左脇宜補肝脾以升之
胃不降則肺逆氣積於胸膈右肋宜泄肺胃以降之此

化積調氣之法也如積在臍腹左脇者以達鬱湯主之
如滯在胸膈右肋者以下氣湯主之

達鬱湯

桂枝 三錢

鼈甲 二錢
炙焦研醋

甘草 二錢

茯苓 三錢

乾薑 三錢

砂仁 一錢

煎大半杯溫服

下氣湯

甘草 二錢

半夏 三錢

五味 一錢

茯苓 三錢

杏仁 三錢

泡
去皮尖

貝母 二錢
去心

芍藥 三錢

橘皮 二錢



南京中医药大学图书馆版权所有

煎大半杯溫服

血證

肝主藏血凡藏府經絡之血皆肝家之所灌注也但木性善達如水寒土濕生氣不達則血瘀矣如木鬱風動疏泄不斂則血脫矣血瘀則凝滯不行必至枯槁其肌膚血脫則泛濫無歸必至流溢於上下總由中氣頹敗有以致之也如血瘀不行者以破瘀湯主之如血脫於上而爲衄血者緣火泄金刑氣傷血沸以仙露湯主之如血脫於上而大吐瘀血者緣中下濕寒凝瘀上湧以

靈雨湯主之如血脫於上而零星吐紅鮮者緣土濕胃
逆肺家不無上熱以白茅湯主之如血脫於下而爲便
血者緣水土寒濕木鬱風動以桂枝黃土湯主之如血
脫於下而爲溺血者木鬱尤甚以甯波湯主之如水虧
不能制火因而吐血者以六味地黃湯主之如土弱而
血不歸經者以理中湯主之如陽虛而血不歸經者以
甘草乾薑湯主之如吐血窮極者以當歸補血湯主之
破瘀湯

甘草 二錢

茯苓 三錢

丹皮 三錢

桂枝 三錢



丹參 三錢

桃仁

三錢 泡
去皮尖

乾薑 三錢

首烏

三錢
蒸

煎大半杯溫服

仙露湯

麥冬 三錢

五味 一錢

貝母 三錢

柏葉 三錢

甘草 二錢

芍藥 三錢

杏仁 三錢

煎大半杯溫服

如胃逆須加半夏如因中下濕寒

當加乾薑茯苓如大衄之後氣泄陽亡厥逆寒冷宜

加參耆薑附以續微陽清潤之藥切不可用

靈雨湯



南京中醫藥大學圖書館版權所有

甘草 二錢

人參 二錢

茯苓 三錢

半夏 三錢

乾薑 三錢

柏葉 三錢

丹皮 三錢

煎大半杯溫服 如下寒甚者蜀椒附子亦當大用

其零星咯吐紅鮮不凝雖有上熱亦非實火稍加麥冬貝母略清肺熱不可過用苦寒也

白茅湯

人參 二錢

甘草 二錢

茯苓 三錢

半夏 三錢

麥冬

三錢
去心

茅根 三錢

芍藥 三錢

五味子 一錢

煎大半杯溫服 如相火極旺宜加黃芩而倍芍藥



若上熱不敵下寒之劇當大溫水土清潤諸法切不可用也

桂枝黃土湯

甘草 二錢

白朮 二錢

附子 三錢

阿膠 三錢

地黃 三錢

黃芩 二錢

桂枝 二錢

竈中黃土 三錢

煎大半杯溫服

甯波湯

甘草 二錢

桂枝 三錢

芍藥 三錢

阿膠 三錢

茯苓 三錢

澤瀉 三錢

梔子 三錢

髮灰 三錢
脂煎研

煎大半杯溫服 若瘀血紫黑壘塊堅阻加丹皮桂

枝之類行之

六味地黃湯

熟地 三錢

山藥 三錢

山茱萸 三錢

茯苓 三錢

澤瀉 三錢

丹皮 三錢

加栢葉三錢水煎服

理中湯

方見黃疸

甘草乾薑湯

乾薑

二錢 炮黑

生甘草

四錢



水煎服

當歸補血湯

方見頭痛

脫證

陽自右降降於下而化濁陰陰自左升升於上而化清
陽陽根於陰陰根於陽是陰陽互相爲根也而要其升
降之權總在於脾胃一自脾氣不升則精血馳走而陰
脫經曰脫陰者目盲是也一自胃氣不降則神氣飛騰
而陽脫經曰脫陽者見鬼是也如陰脫者以烏肝湯主
之如陽脫者以兔髓湯主之如中風元陽將脫者以參

附湯主之如中風少陰氣厥不至者以地黃飲子主之

烏肝湯

甘草 二錢

人參 三錢

茯苓 三錢

桂枝 三錢

乾薑 三錢

附子 三錢
炮

首烏 三錢
蒸

芍藥 三錢

煎大半杯溫服

兔髓湯

甘草 二錢

人參 三錢

五味 一錢

半夏 三錢

龍骨

二錢
煨研

牡蠣

三錢
煨研

元參 三錢

附子 三錢

煎大半杯溫服

參附湯

人參一兩

附子五錢
製

水煎服

地黃飲子

肉桂

附子

肉蓯蓉

茯苓

熟地

麥冬

五味子

遠志

菖蒲

石斛

山萸肉

巴戟肉

各五分

薄荷葉二分

水二杯煎八分服



南京中醫藥大學圖書館版權所有
1994